



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

25. Dies Janvarii. Domine, quid me vis facere? Actor. 9.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

25. DIES JANVARIIL.

Domine, quid me vis facere? *Actor.*

Damna I.
peccati.

Proponitur tibi hodie Saulus persecutor Ecclesiæ, tibi peccatori, qui persecutor es tuæ mæ. Perversus Saulus, jam versus Paulus, dixit, & dicendo se totum Deo dixit, cum illa proferret: *Domine, quid me vis facere?* Ut exemplo Pauli dicas, Domine, quid me vis facere? Prius te ipse interroga, ut Deus Cainum: (a) *Quid fecisti?* Attende animum. Peccasti mortaliter, hoc est? Id est, tulisti sententiam, qua Deo diabolo prætulisti. Testatus es, te nec pili cælum facere, flocci Deum: nec Dei gratiam te velle, nec amicitiam æstimare, quæ tamen est inæstimabilis. *Quid fecisti?* Peccasti mortaliter: hoc est, injuriã affectum Deum; sed quantã? Si coalescerent in unam, omnia quæ cunctis creaturis, Angelis, hominibus, Regibus, Monarchis fieri queunt injuriæ, nulla esset præterquam qua Deus offenditur. *Quid fecisti?* Peccasti mortaliter, id est, protrulisti summum Bonum, Deum, & quidquid est Dei, affectu, & quantum fuit, destruxisti. Quot Deo prætulisti creaturas, tibi fecisti ultimos fines. Deum existere noluiſſes, non puniret: Noluiſſes æternum, ut æternis tuis mis non addiceret. Laſiſti, quã omnia videt, per sententiam: peccasti Deo vidente, Deo prohibe

(a) *Genesis 4.*

Januar.

Tessera.

67

Deo minante. Effrons ! quis servus audeat coram hero suo , quod tu coram Deo ? Nihil pensi habuisti , quod à Deo videris : in ejus despectum peccasti.

II. Sapientiam ejus , quæ infinita est , insipientem , cæcam , ignorantem , nullam voluisses , ut iudicium effugeres. Inquinasti complectentis te Immensitatem. Non sic pisces mari , volucres aëre continentur , ut tu Deo. Locum hunc fœdasti sordibus peccatorum. Si cloacæ , si sentinæ , si fætores omnes , si ulcerum omnium graveolentia , omnis putredo , & sanies conferrentur ; nihil ad peccati mephitim , & contagium. Hanc Divinitati pestem : hanc junxisti impuritatem Sanctitati : junxisti diabolum Deo. Impendisti corporis , animique vires , ut perderes eum , qui tot te commodis , deliciis , & honoribus mactavit , in cælo & in terra , omnipotentiam suam prodegit , & thesauros. Mandante Deo , tibi terra stabat , fluebat aqua , diffundebatur aer , ardebat ignis , tibi Sol lucebat , & astra ; vertebatur cælum , flores ridebant , aura sonabat , tibi bruta animalia vivebant ; studebant homines : serviebant Angeli. Hæc dona in venena , hæc beneficia vertisti in veneficia. A Deo accepisti ut aliquid sis , opposuisti hoc ipsum Deo. Accepisti vires , & auxilium , hæc ipsa vertisti in Autorem , ingratitude prorsus intolerabili. Providentiam per jocum , & ludibrium nominasti. Gubernantem suavissimè , prospicientem vitæ , sanitati , honori tuo , amolientem pericula , advigilantem per se , per Angelos , per Magistratus , conservantem , quibus tibi corpus , & anima sustentabatur , perdere conatus es.

E 2

III. Quid

III. Quid adhuc fecisti? Quòd ab æterno deo cogitarit, quòd te creavit & conservavit: quòd omnia te subdiderit, quòd gratis & prævenerit, auxiliavit: paratus ita tecum in omnem æternitatem regere: quòd æternæ vitæ potentem fecerit, quid aliud quàm amor, & misericordia fuit? Ingratus! Obliviscillius, qui ante mundum conditum tui memorabat. Respuisti amantem Deum, odisti amorem ipsum. Extrinxisti charitatis, ut ignem accenderes inferni. Bona æterna malis æternis commutasti. Neglexisti cæli amœnitates, ut in peccatis sorderes: in omnem æternitatem odio haberes eum, qui omni retro æternitate infinitè te amavit. Hæc fecisti: tamen concessit Deus respiscendi spatium: tam integram: Quoties vocavit? Quoties ostia dispersavit? Quot inspirationibus mentem excitavit? Quàm patiens tecum cum peccares, quàm misericors postquam peccaras, fuit? Quoties dæmonem, cujus te potestati peccando tradideras, combuit, ne vim inferret, ne vitam tolleret? Per se, per Angelos, per homines monuit, invitavit? & renuit & contempsisti. Voluisti mori, tuo inimicus Sertori: noluisti cum Deo regnare: maluisti cum demonibus ardere. Hæc fecisti. Nonne jam tempus est & plus quàm tempus ut cum Saulo, prostratus terram, tremens ob tot tua flagitia, stupens ob Dei beneficia, lachrymantibus oculis, promissibus, contrito corde, singultienti voce clames: *Domine, quid me vis facere?* Quidquid possum, quidquid volo, quidquid scio facere, minus est iis, quæ ego feci contra te, quæ tu fecisti propter me. Ove

Nunc locus est flendi, tempus peccata luendi.